

金史紀事本末

金史紀事本末卷五

馳封資政大夫特賞內閣中書前江西峽江訓導萍鄉李有榮編纂

太宗滅遼

遼主被俘後事附 伊都附

太祖天輔七年秋九月丙辰太宗卽皇弟位改元天

會本名烏奇邁

原作吳乞買亦作吳乞馬攷異鍾改邦直行程錄云名慎小字吾克埋

諱晟世祖第四子太祖同母弟遼太康元年乙卯歲

生初爲穆宗養子收國元年七月爲安班貝勒太祖

征伐常居守天輔五年命貳國政至是乃卽位

後諡體元

應運世德昭功哲惠仁聖文烈皇帝后唐括氏諡欽仁見續通考

冬十月壬辰詔以

空名宣頭百道給西南西北兩路都統宗翰

原作命粘罕

以便宜從事 十一月羅索破朔州西山擒其帥趙

公直貝勒幹魯別及博爾蘇原作勃烈蘇攻異破走

伊實布達原作乙於歸化己巳徙遷潤來隰四州之

民於藩州遼史地理志云本挹婁國地號昭德軍統

領藩定二州遼祇領巖州一州樂郊靈源二縣今因

之又改顯德軍領樂郊章義遼濱挹婁雙城五縣許

允宗奉使行程錄云自顯州一百五十里至梁十二

月甲午以古倫貝勒果爲安班貝勒宗幹原作爲古

倫貝勒按是年十月己亥上元寺僧獻佛骨卻之

二年春二月丙午宗翰乞濟師詔選精兵五千給之

詔有盜發遼諸陵者罪死 閏三月己丑烏庫哩

原作烏達魯特原作迪烈底兩部來降舍音原作斜野襲約尼

遙原作赫札古雅原作古牙走之并破奚七巖而撫其民秋

七月乙未烏瑋原作烏虎部及諸營叛以齋原作貝勒昱

等討平之八月丁巳六部都統達蘭原作捷懶擊走札古

雅殺其隊將克爾叟原作蘇燥等又破降駱駝山金源

縣名屬大定府興中諸軍冬十月甲子約尼札古雅率眾來

降興中府降戊辰西南西北兩路都統幹魯言遼詳

袞原作詳穩托卜嘉來降言耶律達實自稱為王置官屬

有戰馬萬匹遼主從者不過四千戶步騎萬餘欲趨

天德駐伊都原作余睹谷詔曰追襲遼主必酌事宜其討

達實則俟報下十一月癸未棟摩原作閣母下宜州本遼西案

縣地號崇義軍攷異續通考云金天德中改拔杈杆

名山義州領宏正開義同昌三縣饒慶一鎮殺節度使韓慶民攷

山今廣甯衛西北六十里有擦殺節度使韓慶民攷

趙翼陔餘叢考云韓慶民盡節於遼而其妻又盡節於慶民遠史宜有專傳竟畧之不載入金史此編次

之失檢也遼史天祚紀云是年七月天祚再謀出兵復燕雲下漁陽嶺取天德東勝甯邊雲內等州南下

武州為金兵敗於昂阿下水復趙山陰托卜嘉等降紀未載

三年春二月壬戌羅索原作婁室獲遼主於伊都谷賜以

鐵券攷異遼史天祚紀云是年正月天祚過沙漠金

兵忽至徒步走得脫至天德途次絕糧珠展進麪與棗宿民家拜為節度使趨黨項以小呼嚕為招

討使二月至應州新城東為洛索獲契丹國志云天詐趨漁陽嶺粘罕復回雲中乃奔山金司與小胡魯

謀歸宋與夏未決婁宿馳至跪於前曰奴婢不佞乃

以甲冑犯天威因奉觴進遂俘以還時從騎尙千餘
有精金鑄佛長丈六他寶稱是皆委之遁值大雪有
輟跡遂爲金兵所及按珠展卽蕭仲恭後仕金官宰
相見本傳史愿亡遼錄云天祥兵敗於遼遼水還奔
山金司小胡虜密報粘罕遣騎劫遷入雲中馬擴茅
齋自叙云天祥欲趨武州南投宋朝隨行僧勸其經
歸女真從之兀室遣人護送歸國洪皓松漠紀聞云
天祥走小骨碌兵敗逸去粘罕分兵布武朔境上遇
之騎兵將加執縛叱曰爾敢縛天子耶因使拜阿骨
打像遣歸國蔡條北征紀實亦同畢沅續通鑑云黑
龍江有洛索碑具言擒天祥事是擒天祥者爲洛索
非粘罕與兀室也至被擒年月宋史繫之宣和七年
正月卽是年正月也史愿亡遼錄載在保大四年秋
乃宣和六年秋惟元符詔旨與史同作是年二月諸
書紀載各殊續通考云鐵券以鐵爲之狀如秦瓦刻
字畫欄以金填之外以御寶爲合半留內府以賞殊

功

夏四月壬寅朔詔以遼主赴京師五月己丑蕭巴

錦

原作八斤攷異汪輝祖金史同名錄云卷六十九

已巳年二月

保傳甥乙室部人卷四熙宗皇統九年

三

御判官卷九十移刺幹里朵傳別名五人同名八斤
獲遼玉寶來獻
二玉寶者通天萬歲之璽一受天明命惟德乃昌之
寶一皆方二寸嗣聖寶一御封不辨印文寶一金寶
御前之寶一書詔之寶一
玉寶十五金寶七印一金盤銀寶五玉寶者受命寶
一咸陽所得三寸六分文曰受命於天既壽永昌相
傳為秦璽者也白玉盤螭紐傳國寶者一螭紐二玉
並碧色鎮國寶一文曰承天休延萬億永無極又受
命寶一文曰受命於天既壽永昌餘寶詳卷七皇統
五年始鑄金御前之寶一賜高麗西夏詔并頒詔則用
之書詔之寶一賜高麗西夏詔并頒詔則用之大定
十八年御史大夫完顏璋請製大金受命寶有司以
秦璽文進上命以大金受用萬世之寶為文禮尙張
景仁少府監張僅言領工事詔康光慶篆之二十三
年三月鑄宣命之寶金玉各一二十五年十二月鑄
禮信之寶凡賜方外禮物給信袋則用初以銅後改
又以太皇太后皇太后皇后皇太妃寶皆用金又大

定二十四年幸上京鑄金寶授太子文曰守國比親
王印廣長各一分龜紐及疾太孫攝政鑄攝政之寶
貞祐三年以太子守緒控制樞密院金鑄撫軍之寶
政稟用之天會二年詔給諸司印正隆元年命禮部
更鑄三卿三公親王尚書令金印郡王秋八月癸卯
宰執金鍍銀三四品以下銅所載甚詳

車魯以遼主至京師甲辰告於太廟

政異續通考云太宗天會元年

正月卽帝位告祀天地海陵貞元四年正月上尊號
前三日遣使奏告天地於常武殿拜天分設禱位吳
天上帝居中皇地祇居西少卻行一獻禮正隆六年
十月官屬勸進世宗親告於太祖廟卽帝位大定七
年正月十一日上尊號前期三日命皇子許王告天
地英王告太廟十四年三月更御名命左相良弼告
天地平章守道告太廟右相石琚告昭德皇后廟禮
部張景仁告社稷及遣官祭中嶽明昌六年五月以
出師遣禮部尚書張暉告廟社大安元年四月徐邴
河清五百里告宗廟社稷貞祐四年三月以將修太
廟遣李革告祖宗神主於明俊殿丙午入見降封海
與定三年十月以慶雲見告太廟

濱縣名屬

王冬十一月庚辰以降封遼王詔天下

異攷

北盟會編引亡遼遺錄云天祚降書末曰念秦漢之
仁恩誕敷濡澤誦項羽之過惡奚免終傷乞諧軼道
之留免效新安之禍云云朱勝非秀水閒居錄云童
貫至河東聞天祚匿近寨報金人取之乃露章稱賀
其詞爲舍人王雲作或云宇文虛中識者嘆息賀表
畧云遣李嗣本統兵斬首四千餘級內有首領劉忠
廉等二十三名劉慶等四名奪獲糧械無算耶律氏
滅亡亦見會編畢沅續通鑑云金初疑宋匿天祚遣
使來索貫使諸將出境搜之會金人自得天祚事乃
息太宗紀未載許探陷燕錄云宣和入燕士大夫爲
買珠玉錦罽等物相高高低至數十倍一日金字牌來
令置玫瑰一百斤歲以爲例此唯一僧善造僧曰往
年天祚於春水秋山外以此擾民今又如此張端義
貴耳集云契丹有玉注碗每北主生辰稱壽徽宗聞
而慕之遣人于闐國求良玉得一璞甚大使玉工爲
中飾往遼覘之如其制琢之因聖節北使得見歸告
虜主也知中國亦有此注金滅遼首索得之及靖康
之禍金亦索此注與遼注爲對南燼餘聞云二帝入

金引與延禧相見延禧曰我宗真皇帝有百穴珠一顆大如雞卵上有百穴每穴中上有珍珠一顆月圓之夕以珠映之其生珠穴中自落下以絳紗盛之每日可得珠百顆又有通香木一段長尺許沸湯沃之取其汁灑衣服及各物經年不散人有奇病服之即愈燒之天神皆降其氣聞數百里契丹滅時二物不知所在今拘我索此二物三年未得釋去我妻子族屬盡皆分散給他家人所載較詳按天祚被獲大約逾年而殂諸書所紀想不誣至天會五年宗翰等始以宋二帝歸是天祚與二帝未嘗相見也見厲鶚遼史拾遺

四年春二月丁巳海濱王家奴誣其主欲亡去詔誅其首惡餘並釋之

熙宗皇統元年春二月乙酉改封海濱王延禧爲豫

王改異遼史天祚紀云王後以疾終年五十四立二

十四年皇統五年葬於廣陵府閭陽縣乾陵旁大

金史紀事本末卷五
金國志云王削封後築城長白山東居之逾年卒史
均未載竊憤錄謂海陵正隆六年大閱兵馬以箭射
延禧貫心而死不足信

四年冬十月乙卯遣使祭遼主陵

海陵正隆六年秋七月己丑殺亡遼耶律氏宋趙氏
子男凡百三十餘人

世宗大定十七年春二月壬戌詔遼豫王宋天水郡
王被害子孫各葬於廣甯河南舊塋尋詔其親屬未
入本塋者亦遷祔之

遼末有耶律伊都

原作余睹攷異洪皓松漠紀聞作
余都姑蔡條北征紀實作俞覲卷

一百二十一粘割韓奴傳大者宗室子仕遼至金吾
定時禿里亦名余睹另一人

衛上將軍東路都統太祖天輔元年與耶律瑪格原作

哥馬軍於渾河北尼楚赫原作銀尤可希尹原作兀室拒之不敢

戰而遁二年龍化州人張應古劉仲良來降伊都復

取之太祖已取臨潢府舊名西樓即遼上京地領縣五賜詔招諭及

班師棟摩還至遼河方渡伊都來襲完顏布達原作背塔

烏塔等力戰卻之獲甲馬五百匹完顏特庫原作特虎死

焉五年伊都因遼主遊畋荒政倚任樞密德哱台原作

得里及其子摩格委以軍事長子晉王賢不得立為

儲副欲與伊共圖大計弗果攷異遼史晉王傳伊都實有謀立事與此同而

天祚紀謂係蕭奉先誣告未知孰是遂率部族送款咸州并求援接召

金史已事云云

入見賜坐班同宰相命以舊官領所部徙其家屬於

內地自伊都來降益知遼虛實用爲鄉導久之耶律

瑪展

原作麻吉

告其謀叛都統杲言於帝召問之杖其黨

道拉七十餘釋不問太宗天會三年大舉南侵宋伊

都爲元帥右都監擊敗宋師於汾河

方輿紀要云源出太原府靜樂

縣管汾山行經千三百四十里至榮河縣北入大河攷異續通考云經太原源清交城文水祁縣至平遙介休南入平陽府靈石縣界又云汾水源出岢嵐州流經靈石趙城洪洞臨汾南歷襄陵太平絳州稷山入黃河

北擒其將郝仲連張關索統制馬忠殺萬

餘人宗翰復南下伊都留西京

攷異靖康要盟錄載宋賜耶律余睹書曰

大宋皇帝致書於左金吾上將軍有都監耶律太師昔我烈祖章聖皇帝與大遼結好於澶淵惇修信睦

百有餘年邊境晏安蒼生蒙福義同一家靡有兵革
戰鬪之事通和遠久振古所無金人一道稱兵朔方
拘靡天祚翦滅其國在於中國誓好之舊義當與師
以拯顛危而姦臣童貫等迷國擅命沮遏信使結納
仇讐購以金綰分據燕土金匱之約藏之廟祧委棄
勿遵神人怨恫致金人之強暴敢肆陸梁倣擾邊境
達於都城則惟此之故道君太上皇帝深悼前非因
成內禪辟朕初卽大位惟懷永圖念烈祖之遺德思
大遼之舊好輟食與念無時敢忘凡前日大臣先悞
國構禍皆已竄逐思欲親仁善隣以爲兩國生靈無
窮之福此志既定未有以達而使蕭仲恭趙翰等
能道遼國與燕雲之人民不忘耶律氏之德冀假中
國詔令擁立耆哲衆望所屬無如金吾者適諧至意
良用欣懷昔聞金吾前爲遼國將兵數有大功謀立
晉王寶爲大遼宗社之計不幸事不克就避禍去國
向使前之計行晉王有國則天祚安享榮耶律氏
不亡於天祚不害其爲孝而於耶律氏之計誠至忠
矣宗社之英天人所相爲孝而於耶律氏之計誠至忠
慰遺民之思方今總兵於外且有西南招討太師之
助一德協心足以共成大事以中國之勢竭力擁衛

何事不成謀事貴斷時不可失惟金吾圖之書不盡
言已令蕭仲恭趙翰回奏面道委曲天時蒸染更冀
保綏沈良靖康遺錄宋用吳敏徐處仁之計致書余
觀使得書渡河宣言其事粘罕見書益忿惟蕭仲恭
作蕭慶餘全續綱目云天會九年尼瑪哈以伊都遼
之宗族必知達實巢穴以蕃漢及女真軍萬人付之
使攻其軍於和勒端城臨行質其妻子仍起燕雲河
東夫運餉道計三千餘里夫死者不可勝計大金國
志和勒端城作漠北十年謀反爲耶律努格所告亡
曷董城餘同史未載
去其黨燕京統軍蕭高六伏誅蔚州節度使蕭特默
攷異宏簡錄自殺邊部攷異宏簡錄作斬伊都及其
作特謀葛
諸子函首來獻攷異契丹國志云余覲爲金西軍大
漢兒令誅女真之在官在軍者適悟室自雲中來中
途獲其叛書卽回燕誅統軍余覲父子遁入夏不納
投韃靼詐出迎遂擒殺之凡與謀者皆伏誅契丹漢
兒之黠者悉不免大金國志云燕京統軍槁里族誅

并分捕叛黨令諸路盡殺契丹諸路大亂月餘方止
部族亡入夏國及沙漠者無數由此一亂幾成灰燼
兀室既殺余親并殺粘罕次室蕭氏本天祚元妃也
蔚州守蕭毛持可久平州守郭藥師都總管蕭慶下
元帥府獄尋免以藥師家富盡奪之留守李處能預
逆謀族誅金主以粘罕不能撫馭各決柳條有差繫
年要錄云處能於宣和末歸宋拜延康殿學士賜姓
名趙敏修金人交燕時取以去史均未載趙翼劄記
云額爾古訥一名說古乃善馳驛日能行千里天會
八年從宗翰在燕聞余親反馳驛往探黎明走天德
及至日未曉也宗室伊克子官西南招討
使臨洮尹見本傳惟余親反作八年稍異

金史紀事本末卷五

金史紀事本末卷六

贈封資政大夫 特賞內閣中書前江西峽江訓導萍鄉李有棠編纂

太宗克汴

太宗天會三年即宋徽宗宣和七年也夏六月庚申

遣李用和等充告慶使以獲遼主告宋攷異畢沅續通鑑用和作

孝和且繫之九月云詔宇文虛中高世則館之其實

金將舉兵先使來覘也時河東奏宗翰至雲中頗經

營南下命童貫行邊且議割雲中地然其謀已深懼

宋為備且多為好辭以紿之及清化縣權鹽場申燕

山府金擁大兵南來守臣蔡靖及呂頤浩李與權入

奏大臣以郊禮在近恐礙推恩匿不以聞虛中字叔

通華陽人靖餘杭人頤浩字元直齊州人封秦國公

諡忠簡大金國志云金獲天祚連遣三使供應疲弊

實覘道路會義勝常勝二軍畔歸益知虛實劉彥宗

伊都力勸南侵宗翰計遂決史均未載日下舊聞考

卷一百一十五

云清化即遼香河縣在府東百二十里宋宣和四年

更名清化尋入金屬大興府蔣一葵長安客話云縣

境有大中龍灣二水夏秋始合流經寶坻冬十月

縣界入七里海相傳為遼時海運故道

交聘表是年七月以耶律固為報謝甲辰詔諸將侵

宋以安班貝勒果舍音兼領都元帥伊勒齊貝勒宗

翰原作罕兼左副元帥希尹原作兀室為元帥右監軍伊都

余原作觀為元帥右都監自西京入太原方輿紀要云古

原郡兩漢為并州唐號西京領州五縣二十改異與

地廣記云秦昭襄使蒙驁攻趙初置太原郡唐開元

中為太原府領河東節度縣九續通考云金屬河東

北路統節鎮三刺郡九縣三十九鎮四十堡十寨八

領陽曲太谷平晉清源徐溝榆次祁文水交城孟壽

陽十一縣唐改汾陽為陽曲金倚郭太谷唐初置太

州後廢州置太谷縣平晉金末廢尋復舊清源隋故

縣金移晉州治此徐溝本為鎮金大定中置縣文水

縣

州

縣

隋唐名天壽後改武興後復舊交城唐分置靈州縣

南宋置文通監於此金廢監以縣屬太原壽陽唐為

壽州改置縣金初為晉州治後移六部路軍帥達蘭

清源縣仍舊孟縣金後升為州捷懶為六部都統舍音原作斜野副之宗望原作離不為南

京路都統棟摩原作閭母副之知樞密院事劉彥宗兼漢

軍都統自南京即平入燕山攷異大金國志云時幹

燕京彥宗知院事粘罕主西路建密院於雲中時立

愛知院事人號東西朝廷續通考云金初燕京樞密

院後改為行臺尚書省天會三年侵宋更西南西北

兩路都統府為元帥府官曰元帥從一品左右副元

帥正二品左右監軍正三品左右都監從三品其都
元帥必諳班勃極烈為之居守不出海陵天德二年
置統軍司分設於山西河南陝西三路以都監監軍
為使及南侵立左右領軍大都督府將三十二總管
其都監監軍官如故泰和時每行時則樞密院更為
元帥府罷則復舊設平南撫軍上將軍平南冠軍大

將軍又有龍驤虎威盛江諸將軍殄寇郎將都尉等
官貞祐時沿河諸路設行元帥府大者號便宜小者
名從宜元光中招義軍設總領提控故時稱元帥為
總領金制諸路設都總管府諸府鎮有都軍司設都
指揮使各官外有招討司設於西北西南東北三路
置正副使下有判官簽判知事司法等官又諸州鎮
設節度使下有同知判官等官沿
邊州鎮又設防禦使所載甚詳
丁巳因宗望言以
棟摩為南京路都統蘇赫原作掃副之宗望為棟摩劉

彥宗兩軍監戰

攻異畢沅續通鑑云十一月貫至太原遣為擴往宗翰責行庭參禮擴請

蔚應飛狐靈邱之地宗翰曰汝尚欲兩州兩縣耶別
割數城或可贖罪擴歸告貫始驚未幾王介儒薩里
穆爾來復勸貫速割大河以北益憂懣不知所為即
托赴闕稟議論帥臣張孝純固守孝純諫不聽遂逃
歸孝純嘆曰平生童大師作幾許威望臨事乃奉頭
鼠竄何面目見天子乎周密齊東野語云宣和中童
貫伐燕敗而竄一日內宴教坊進伎首飾皆不同其
一滿頭為髻如小兒曰童大師家人也問之曰太王

方用兵此三十六髻也陸游老學菴筆記云宣和中
百司庶府悉有內侍官爲承受實專其事而長貳皆
取決焉梁師成爲祕書省承受坐於長貳之上所不
置承受者三省密院學士院而已又云趙高爲中丞
相龔澄樞爲內太師猶稍與外庭異童貫眞爲太師
領樞密院振古所無大金國志金使作撒盧拇云宋
使傅察賀正旦至境幹離不執之副使蔣噩等皆羅
拜臣服察不屈死之宋史察時官太常少卿字公晦
孟州濟源人北盟會編云察死將官蔣漢英命軍士
沙立裹其骨歸事聞贈徽猷閣待制李邴誌其墓靖
康小雅云察遇害在薊州玉田縣韓城鎮時官吏部
員外郎迓賀正旦使十二月二十七日本朝與遼人
北征紀實云本朝與遼人於玉田縣築一州日清州以
報金人滅遼我師於玉田縣築一州日清州以對平
州相與通使人之路清州有使臣賀允中副使武漢
英適至幹里雅命邀二人觀打毬知其渝盟拒之恐
托事生釁勉從之及界則以是日舉兵矣允中被鎖
漢英頗點虜愛之常在左右謂此南朝第一降人也
漢英本玉田巡檢使十二月庚子宗翰下朔州進克
差充副使史均未載

金史紀事本末

卷六

三

代州

在太原府東北三百五十里攷異輿地廣記云後魏曰繁時郡後周為肆州宋領縣四雁門縣

本漢

廣武縣有夏屋山勾注山即西陁水峒縣

元魏

為石城縣有崞山即故樓煩縣地五台本慮虎

縣有

五台山慮虎水繁時縣元魏置郡隋復為縣續

通考

云唐代州置總管府宋曰雁門郡金名震武軍

領縣

五五台金後升為州又號繁時縣為堅州蔡太

原路

宋時多廣武一縣繁年要錄云冬國相宗維檄

宣撫

使問罪遂侵河東按宗維即粘罕耿氏痛哭流

涕編

載此檄文繫之三年十一月二十七日蓋起兵

之日

至寇邊則在乙卯中山降攷異宏簡錄云時中

十二

月見宋史乙卯中山降攷異宏簡錄云時中

部下

二千來降蒲察繩果以三百騎遇中山戍兵三

萬於

隘口力戰死之尤烈速活里改軍繼至殺二萬

餘人

蕭恭傳字敬之納琳奚王後宗望南侵恭以材

勇代

父翊為萬戶軍帥至中山宋兵出戰恭先以所

部擊

敗之平山東及漢淮襲康王皆在軍中授德州

防禦

使奚人之屯濱棣間者皆屬焉仕終兵部尚書

紀均

未載中山在真定府東北百三十里今定州是

輿地

廣記云堯始封此春秋為鮮虞戰國為中山國

續通考云唐爲定州宋改中山郡金爲定州博陵郡
定武軍後復故領縣七安喜本漢盧奴縣新樂本漢
新市縣地古鮮虞國無極亦漢縣唐武后改母作無
望都爲堯母慶都所居登堯山可望慶都故名唐爲
北平縣金爲慶都曲陽古桓州地唐置縣北至常山
在其西行唐爲唐玉城縣改章武後魏名行唐永平
卽漢曲逆縣遂圍太原取朔武忻代四州進距石嶺
所載較詳
關遂圍太原代州安撫史抗父子迎戰死之諸守將
孫翊李嗣本賀權冀景耿守忠或降或遁金師如入
無人之境粘罕始有輕中國心然過城必攻故比幹
瑋不行稍緩焉續綱目云時代州罵賊死守者尙有巡
檢李翼折可與李聳王唐臣劉子英闡誠翼贈武德
郎封氏紀年云孫翊知朔寧府與金戰被殺宋史云
朔州守孫翊拔太原爲麾下所害府州守折可求亦
敗於交城方輿紀要云金圍太原孫翊赴援由寧化
憲州出天門關敗沒關在太原府西北六十里無名
氏靖康要錄云朔州守將孫翊勇而忠與金戰未決
漢兒開門獻於金至武州漢兒亦爲內應至代李嗣
本拒守漢兒擒之以陷隆代至忻州賀權開門張樂

合身... 卷之...

以迎賊賊喜不入城遂抵石嶺關張孝純強令冀景
往守以耿守忠助之至則守忠獻關景奔還遂薄太

原紀載 伊都破宋河東陝西援兵於汾河北布希
各判

滿州語膝也又去毛鹿 敗宋兵於古北口 方輿紀要
皮也舊作蒲覓今譯改

縣東北百二十里亦曰虎北口兩 宗望大破宋軍於
崖壁立凡四十五里為險絕之道

白河郭藥師等降定燕山州縣時王伯龍當其左軍

麾兵疾馳蹂之宋軍亂諸軍乘勝進擊 以是大

敗 攻異大金國志云金兵初破檀薊州藥師兵屯近
郊戈甲鮮明金人初見亦懼及交戰金兵已北張

令徽等先遁金追之藥師遂降所載較悉李三錫傳
字懷邦錦州安昌人初從劉彥宗辟將兵保白雲山

尋以眾降改知嚴州從宗望南侵領行軍明安敗郭
藥師軍於白河擢汝州防禦使政事強明所至稱治

仕終河北西路 宗望進破宋兵於真定 古鉅鹿郡亦
轉運使紀未載

日常山號恒

州領縣二十七改異輿地廣記云春秋屬鮮虞秦
屬鉅鹿郡漢為恒山郡改常山唐為恒州成德軍尋
為鎮州領縣九真定藁城獲鹿平山灤城井陘行唐
靈壽元氏續通考云宋為真定府金為鎮州成德軍
正隆間復為府領九縣有阜平而無井陘真定倚郭
唐初改中山後復舊藁城唐置後更藁中尋復故藁
城唐末改為灤氏尋復舊元氏為趙公子元封邑唐
因漢名獲鹿本名鹿泉唐改今名金升鎮寧軍平山
唐為岳州天寶中改為縣名平山靈壽本唐縣宋省
入行唐尋復置阜平本隋行唐縣地宋置北寨金改
北鎮尋升時富埒瑋原作蒲盧渾攷異國語解云即
阜平縣時富埒瑋富勒時本傳烏雅氏海蘭路人
巴克埒子膂力絕人能挽強射二百七十步從軍屢
有功歷真定尹幽國公從海陵南侵大定間除東京
留守卒官續通考云將漢兵千騎與蒙克攻真定進
姓烏延曷懶路人
取贊皇州屬定所獲人畜甲仗無算遂薄信德府即今
府攷異輿地廣記春秋為邢國秦為鉅鹿邯鄲郡張
耳石勒皆都焉隋為襄國郡有龍岡堯山而無邢台

唐山堯山本漢柏人縣龍岡秦爲信都張耳居此更
名襄國續通考云信德府本唐邢州宋改今名一號
鉅鹿郡金爲邢州安國軍領邢台唐山內邱平鄉任
縣沙河南和鉅鹿入縣道武新唐某村團城四鎮邢
台倚郭唐因隋爲龍岡縣宋改今名唐山本唐東龍
州又改堯山縣金改唐山內邱本唐縣平鄉本唐封
州宋省入鉅鹿尋復舊任縣唐置宋省入南和尋復
舊沙河爲唐温州後廢州改沙河縣南和本唐和州
州廢置縣鉅鹿爲初宗望欲攻信德恐難下議未決
唐起州州廢置縣初宗望欲攻信德恐難下議未決
大臯有本名托卜嘉原作捷不也其先遼陽人世仕遼
獲太祖以爲東京奚民穆昆擢同知東京留守獨率本
守從棟摩破遼兵二十萬由是顯名見本傳
部兵選善射者射其城樓別以精兵潛升樓角遂克
其城攷異大金國志云宗望使王蒨來取和議書聞
如姑行遂至信德府不移時克之執守臣楊信功先
攻保州安肅軍不克北盟會編云時用蔡攸議廢安

肅保信二軍復爲梁門遂城縣及燕山旣下安肅保
信莫能守禦沈瑄南歸錄云金聞內禪皆驚幹離不
謂大史曰爾前日言南朝帝星復明今驗矣以金帛
賁之按幹離不初告蔡靖以講和靖留燕沈瑄恐中
輟遂草和議書達金廷宋金議和自此始史未載宋
史宣和七年十二月金分兩道入攻詔內禪辛酉卽
位日有五色暈挾赤黃珥重日相摩盪久之岳珂程
史載徽祖將內禪前一夕祈天詞云奉行玉清神霄
保仙元一六陽三五璇璣七九飛元大法師都天教
主臣某誠惶誠恐頻首頓首再拜上言高上玉清神
霄大陽總真自然金闕姮娥曩者君臨四海子育萬民
繼德菲薄治狀無取干戈並興弗獲安靖以宗廟社
稷生民赤子爲念已傳大寶於今嗣聖庶幾上應天
心下鎮兵革所冀邇歸遠順宇宙得寧而基業有無
疆之休中外享昇平之樂如是賊兵偃戢普率康寧
之後臣卽寸心守道樂處閒寂願天昭鑒臣弗敢妄
將來事定復有改革窺伺舊職獲罪當大已上所懇
或未至當更乞垂降災咎止及眇躬庶安宗社之基
次保羣生之福五兵永息萬邦咸寧伏望真慈特賜
省鑒臣謹因神霄值日功曹吏齋臣密表一道上詣

神霄玉清三府引進仙曹伏願告報臣誠惶誠恐頓
首頓首再拜以聞按蔡條國史後補載徽祖教門尊
號爲玉京金闕七寶元臺紫微上宮靈寶至真玉宸
明皇大道君與此不同靖康要錄作七九飛天大陽
畧異靖康要錄云淵聖爲道君長子母惠恭王后初
名亶改名煥更名桓大觀四年三月立爲太子王黼
撰冊文蔡攸書冊六年六月納故少傳朱伯材女爲
妃宣和七年十二月二十三日登位大赦制曰我國
家剝業守成紹二百年之祚運宅中國大莫三萬里
之幅員施及眇躬嗣膺神器永念續承之重懼及春
冰載惟臨馭之艱凜深朽索矧今邊陲未靜師旅方
興肆惟曠蕩之恩用慰遐之望可大赦天下立妃
朱氏爲后上道君帝后尊號靖康政元詔曰朕光膺
眷佑寅奉燕詒載惟菲薄之資獲撫盈成之運宵衣
罔怠盱食靡遑發政施仁懷日靖四方之志經文緯
武圖永康兆民之功式紀初元是新美號庶格神明
之助遂臻華夏之和茂謹王春豈特遵魯史踰年之
義遙寧國步蓋將紹周人過歷之期布告多方咸體
朕意尋降求言詔及親征詔罷內外官司局凡一百
五處復贈司馬光等官除元祐黨籍王樞野客叢書

云宣和乙巳上皇內禪吳敏元中建議及謝門下侍郎表曰上皇勸授皇圖於元子徽臣攝直適視草於禁中初無一言以贊大議君子與其不伐趙翼劄記云時徽宗欲命太子為開封牧李綱謂吳敏非傳以位號不可明日敏遂以禪位說進并謂綱亦有此議見綱傳是傳位之議本起於綱也而敏傳謂徽宗將內禪蔡攸探知土意引敏入對遂薦綱并入見蔡攸傳亦謂帝欲內禪親書傳位東宮字授李邦彥邦彥不致承以付攸攸薦其客吳敏遂定議又李熙靖傳道君曰外人以內禪為敏功不知乃出自吾意不然言者且滅族矣合數傳觀之是內禪本出於徽宗紀議適與帝合遂贊決耳按張端義貴耳錄徽宗聞金人破燕即命當直學士黃中令草詔罪己并傳位太子明日詔出淵聖登極又記徽宗語謂詔中處分蔡攸盡道不是只傳位一事要做他功勞此亦可証內禪出自帝意也

四年春正月戊辰宗弼

原作兀兀一作烏珠攻異國語解云兀兀曰頭即武諸

取湯陰

本唐湯源縣屬彰德府

大吳攻下濬州

即今濬縣屬大名府攷異續通

身系事乃才

考云濟州為唐黎州石晉改今名宋設通判又改平

川軍金皇統中改為通州天德間領黎陽衛二縣衛

橋淇門二鎮後為時軍至濟州宋人已燒河橋宗望

濟州元隸大名路

已令軍中有能先渡者功為上大吳捕得十餘舟徑

渡擊其守者奪其戍柵由是諸軍悉濟遂下之

傳作三達呼布原作迪古補攷異布傳云一作敵古

年事居錫馨水平東京上京皆在事有黃掘攷作洪郭世

其兵九萬攻平州解烏春之圍南侵以功襲穆昆

隸州防取黎陽縣名在滑縣西二里今廢

禦使卒有白馬津為大河津渡處

濟河庚午取滑州即今滑縣屬大名府攷異與地廣

宋為兗州隋號杞州後為滑州今因唐舊領縣二章

城胙城王存元豐九域志云滑州靈河郡為唐義成

軍治白馬縣續通考云唐為靈昌郡宋為武城軍金

大定中隸大名府領白馬內黃二縣白馬本衛曹邑

隋唐爲州治今省韋城縣入焉內黃本唐縣屬黎州
金屬滑州持嘉暉傳宗望初伐宋孟陽之戰敵中軍
徑薄其營暉與諸將擊敗之追殺至城下阿里傳孟
陽之役阿里扼橋渡力戰紀均未載薛應旂通鑑云
帝以金人南下悉以禁旅付內侍梁方平守黎陽何
灌言於白時中請留衛根本不從金幹南不陷相濬
二州迪古補奄至方平奔潰河南守橋者望金旗幟
皆燒橋遁何灌帥兵二萬退保滑州亦望風迎潰官
軍在河南者無一人禦敵金遂取小舟以濟凡五日
騎兵方絕步兵猶未渡也旋渡旋行無復隊伍金人
笑曰南朝可謂無人若以一二千人守河我豈得渡
哉遂破滑州灌奔還所載較詳灌字仙原祥符人時
中字蒙亨宗望使吳孝民等入汴方與紀要云卽河
壽春人
縣三十汴京以汴水得名汴水受陳留浚儀陰溝至
蒙城入泗卽禹貢灘水春秋之邲水秦漢曰鴻溝攻
異輿地廣記云開封府春秋爲衛陳鄭三國地秦屬
三川郡東魏分置開封郡兼立梁州後周始改汴州
唐初爲宣武軍宋改開封府縣十四續通考云唐置
總管府宋爲東京建都焉金改南京路統府三節鎮

金史紀事本末

卷六

八

三防禦郡入刺郡入縣一百八開封府領縣十二祥
符陽武通許太康中牟鄆陵扶溝陳留延溝洧川長
垣封邱汴水源出榮陽縣大周山合京索須鄭四水
東南至中牟縣北入黃河京水源出嵩渚山經鄭州
西南十五里東北入鄭水索水源出榮陽縣小陘山
北流入京水鄭水源出鄭州城東二十五里東北至
中牟縣入汴又云汴河當歸德府寧陵縣之衝由陳
留下達於徐劉延世孫升談圃云隋開汴河其勢正
衝今南京至城外迂其勢以避之故老相傳為留趙
灣至藝祖以宋州節鉞乃其識也袁氏楓牕小牘云
汴河渠凡四曰蔡河自陳蔡由西南戴樓門入京城
繚繞向東南陳州門出曰汴河自西京洛口分水從
東水門入京城繞州橋御路水西門出曰五丈河表
自濟鄆自新曹門入通汴河曰金水河自京城西南
分京索河築隄從汴河上用水槽架道從西北問宋
水門入京城夾牆遮擁入大內灌後苑池浦
取首謀平山童貫譚稹詹度等宋太上皇帝出奔
潘永因宋稗類抄云靖康初金攻濬州徽廟夜御駿
驛名鵝鵠青望睢陽而奔濱河有一老姥家張燈上

排戶入姬問姓氏曰姓趙居東京已致仕舉長子自
代姬進酒復延至卧內熱薪釋襪烘趾及還京姬沒
以白金賜其諸孫初徽宗幸京口駐蹕郡治曾空青
以江南轉運攝府事置酒行宮內命喬貴妃出見曰
汝每問曾三此卽是特令汝一識蓋空青喜作長短
句流入中禁故爾取七寶杯令喬手擎滿酌并以杯
賜之空青名紆王仲言外祖也吳曾能改齋漫錄云
宣和乙巳冬徽宗幸亳州途次御製臨江仙詞白過
水穿山前去也吟詩約句千餘淮波寒重雨疎疎烟
籠灘上鷺人買就船魚古寺幽房奴且住夜深宿在
僧居夢魂驚起轉嗟吁愁牽心上慮和淚寫回書時
蔡攸爲恭謝行宮使矯詔降劄截留東南勤王兵馬
藉以自衛不忠甚大見胡舜陟劾疏載靖康要錄徽
宗將還京郎中劉觀代宰臣賀表曰漢室太公本是
蓬蒿之叟唐朝肅帝殊非揖遜之人何文縝以語大
樸因政曰擁彗迎門陌未央之末禮御鞍馳道笑至
德之末情陸游老學菴筆記云徽宗南幸至潤郡官
迎駕於西津及御舟抵岸上御棕頂轎子一宦者立
轎旁呼曰道君傳語衆官不須遠來衛士臚傳以告
遂退及還京服栗玉並桃冠白玉簪赭紅羽衣乘七

寶輦蓋吳敏定儀注云趙彥衛雲麓漫鈔云徽宗既
遜位過亳州燒香時趙子滌知寧陵縣通道由其邑賜
金帶趙時服綠許於綠袍上繫薛應旂通鑑云上皇
南幸如亳州百官多潛遁貫以勝捷親軍萬人自隨
上皇過浮橋衛士攀望號慟貫使親軍射之而陪
者百餘人京亦盡室南行黼載孥以東貶官安置李
綱請誅之開封尹聶昌使人殺之於雍邱取首以獻
李彥賜死籍其家朱勔放歸田里尋伏誅黨與皆罷
梁師成貶彰化行及八角鎮賜死八角鎮在順天門
外京僭州攸雷州子孫二十三入分竄遠地京行至
潭州死攸及脩皆賜死遣御史張澈誅童貫於南雄
州梟首闕下宋史貫傳少出李憲門初主杭州明金
局京由之進京號公相貫號姐相京字元長興化仙
游人攸字居安師成字守道黼字將明祥符人勔蘇
州人冲子良嗣亦被誅後治棄河罪斬梁方平於市
皆自陳東發之也東字少陽丹陽人後用黃潛善譖
棄市布衣歐陽澈同死澈字德明崇仁人沈良靖康
遺錄云黼至負固村遣使追斬之因呼負國村靖康
前錄云在應天府杞縣南十里靖康要錄云輔固村
在雍邱城南二十里永豐鄉畢沅續通鑑謂由聶山

所殺宋稗類抄又云京南遷詔追取所寵姬慕容邢
武者三人金指名來索也因作詩別曰爲愛飛花三
樹紅年年歲歲惹春風如今去逐他人手誰復尊前
念老翁時在道中市飲食居民不肯售至隨以詬罵
京歎曰京失人心一至於此至潭州作詞曰八十衰
年初謝三千里外無家孤行骨肉各天涯遙望神京
泣下金殿五曾拜相玉堂十度宣麻追思往昔漫繁
華到此番成夢話尋死先是徐神翁贈京東明二字
卒貶死潭州城南五里外東明寺攸聞賜死曰誤國
如此死又何憾乃飲藥脩猶豫不能決左右授以繩
乃自縊死薛應旂通鑑謂攸脩皆卽所至斬之徐神
翁自海陵到京蔡京謂時方太平徐云太平太平上
方許多魔君作壞世界再問笑云太平太平太平上
方顯叔天上已遣五百魔王作官發運使亦是一赤天
魔王也宣和末黃安時曰亂作不過一二年天使蔡
京入十不死病亟復蘇是將使之身受禍也天下能
久無事乎靖康兵亂舊臣悉遠竄安時居壽春歎曰
造禍者全家去嶺外却令我輩橫屍路隅耶後卒死
於兵可哀也貫死所忽有物在地如水銀鏡徑三四
尺俄斂不見徵函貫首以生油水銀浸之又以生牛

皮固其函貫狀貌魁梧頤下生鬚十數莖皮骨勁如鐵不類閭人潛說友咸淳臨安志云京少貴建第錢塘極雄麗卽今行在殿前司宣和末金寇笑盡以所積置宅中靖康初籍沒詔下適其門下士毛友守杭州密喻其家藏隱過半所以蔡氏之後皆不貧又嘗以金銀寶貨四十擔寄其族人海鹽蔡氏富冠一漸門誅竄不暇往索掩爲己有至今海鹽蔡氏富冠一漸右又京初禡職居錢塘有風和尙直造其室題詩一絕又書其下云衆生受苦兩紀都休後悉如其言張洪雲谷雜紀云京南遷道中市物知爲京皆不肯售至於詬罵無所不至州縣吏卒驅逐稍息袁文襄鵬閒評云京三子長攸次脩次儵當時語曰蔡京之後尤蕭條亦識兆也周輝清波雜志云京之死適潭守靖康禍胎記京師染色宣和間有名太師青者京殄時無棺以青布條裹屍亦宣和間有趙姓之中興遺史云師成安置循州未行自縊聞所載互異癸酉諸云師成得罪縊殺之以自縊藥師嘗打球於牟駝岡知軍圖汴天駟監有馬二萬匹芻豆山積導幹南不奄

取之李綱傳信錄上卽位召對宰相白時中李邦彥
請出狩綱力諫拜尙書右丞親征行營使曹瑔副之
靖康要錄云初綱聞宰執議出狩遇知閣門朱孝莊
請奏取旨與宰執廷辨孝莊辭以無此例綱曰此何
時而用例耶孝莊入言卽召對綱奏出狩果行宗社
必危且太上以宗社傳陛下捨之去可乎與時中爭
未旣有內侍陳良弼自內出言城難守命綱與良弼
蔡懋往觀懋與良弼同回奏綱言無虞帝問將因言
時中邦彥可時中推綱因拜留守以李棣入見力爭乃
宮未回明日復戒行綱拉殿帥王宗樞入見力爭乃
留令大臣撰數十詔勉將士閭門宜讀皆聲喏固守
議始決靖康前錄云時中等勸帝幸襄陽駕至南薰
門綱與燕越二王懇留隱具陳軍情方止治戰守之
具入日粗畢以前軍居通濟門外護延豐倉後勤王
兵至賴之以濟幼老春秋云邦彥爲懷州銀匠浦之
子美姿容阿附梁師成薦用至宰輔號浪子宰相宋
史綱字伯紀邵甲戌宋使李稅攻異大金國志作李
武人諡忠定邵甲戌宋使李稅攻異大金國志作李
北盟會編鄭與稅係二人同使金營外有高世則爲
副今從太宗紀繫年要錄云鄭鉅野人稅臨沂人靖

康前錄云鄴歸盛談敵強以濟和議謂人如虎馬如龍上山如猿入水如鰐其勢如泰山中國如果卵時號六如來謝罪且請修好宗望許之并約質割中山

河間府名唐宋為瀛州領州二縣十六攷異輿地廣記云河間秦屬上谷郡漢屬涿郡後漢為河間

國魏為河間郡孝文置瀛州宋大觀間升為瀛海軍領河間樂壽二縣續通考云河間本唐瀛州宋為河

間府金為河北東路統節鎮二刺郡五縣三十鎮三十五領河間肅寧二縣明隸京師領景滄二州河間

獻阜城肅寧任邱交河青城興濟靜海寧津吳橋東光故城南皮鹽山慶雲十六縣河間縣後魏置肅寧

縣元廢為鎮後復舊獻縣商為樂善金改獻州領樂壽交河二縣阜成唐本名漢阜宋改今名金屬景州

任邱元省入河間後復故交河金大定中以石家固置青城本清平鎮興濟宋范橋鎮地大觀初置縣金

屬清州靖海宋為清州窩口寨大觀中置縣金屬清州寧津本保安鎮金置縣屬景州吳橋金於將漢縣

之吳川置吳橋縣鹽山唐太原三鎮地輸金五百萬初置東鹽州州廢置縣

兩銀五千萬兩牛馬萬頭表段百萬匹載書稱伯姪

宋以康王構

字德基道君第九子母為韋賢妃初封蜀國公廣平郡王進康王

少宰

張邦昌為質上誓書地圖癸未諸軍解圍

攻異薛應旂通鑑云

帝召羣臣議邦彥力主和綱諫擊之便不從使鄭望之往會金使吳孝民來與偕還命稅使金軍至則膝行而前恐怖喪膽失其所言遂與金使蕭三寶奴耶律忠王洎等偕來凡金所要求皆藥師教之也時攻天津景陽等門綱力戰禦之斬數千級何灌戰死都統制馬忠自京西募兵至擊金人於順天門外敗之金師暫斂按路稍通稅至邦彥力勸從金議括金得二十萬兩銀四百萬兩餘悉如約綱言金幣數太多三鎮不可割親王不當往姑遣辨士與議和宿留數日大軍四集彼孤軍深入雖不得所欲亦當速歸此時與和則不敢輕中國而和可久也弗聽命沈晦先持誓書往并三鎮地圖示之初邦昌亦主和議不意身自為質遂與主達金營網獨留三鎮詔不遣時金陷陽武知縣事蔣興祖死之望之彭城人著靖康奉

使錄一卷李心傳朝野雜記云時康王北使將就馬
小婢招兒見四金甲神各執弓劍以衛上指示眾皆
云不見顯仁后聞之曰我事四聖真君甚謹必其陰
功及陷北夜深必四拜及曹勛南歸令奏請加崇
奉答景貺建延祥觀像皆沈香斲之今在西湖上
壯麗靖康要錄云正月八日金攻西水門以大船數
十順流下行營司募死士二千布城下以長釣搭就
岸以石碎之於中流安頓木運蔡京家假山石疊
門道間斬百餘人攻城北灌戰死九日攻封邱酸棗
門網乞禁卒善射者千人射之應弦倒募壯士縋城
下燒雲梯獲酋首殺賊數千人賊退遣蕭三寶奴來
獻王帶名馬講和北盟會編金使三寶奴外尚有高
永張愿恭詔中書侍郎王孝迪收簇金銀得金三十
萬兩銀千二百萬兩及祖宗寶藏乘輿服御之物悉
數津送靖康前錄云孝迪出榜藉土庶所有否則男
子殺盡婦人虜盡宮室焚盡金銀取盡謂之四盡中
書所載

二月丁酉朔夜宋將姚平仲兵四十萬來

襲宗望營擊敗之

攷異東都事畧作萬人趙甞之遺
史作七千云是役也宋將陳福沒

於陣楊可勝被執不屈死靖康前錄云西將陳開死
之繫年要錄云平仲古養子嘗從童貫平方臘回京
誇殺魔賊之多大臣信其說意謂殺金人如殺魔賊
故敗後隱九江山中高宗召之不出陸游清尊錄云
人嘗有見於廬山者史均未載薛應薪通鑑云時种
師道入援沿道揭榜言領西兵百萬來經過敵營金
人懼歛游騎增壘白衛召入對拜同知樞院統四方
勤王兵請緩給金幣俟彼情歸扼而殲諸河邦彥不
從惟綱議與合綱言金人貪婪無厭非用師不可且
敵兵號六萬而勤王兵且二十萬若扼河津絕餉道
分兵復畿北諸邑以重兵臨敵營堅壁勿戰俟其食
盡力疲以一檄取誓書復三鎮縱其北歸半渡而擊
之此必勝之計也帝深然之會平仲慮功名獨歸种
氏夜率萬騎斫敵營兵敗亡去綱率諸將出救戰於
幕天坡射却之師道復請劫寨及每夕援之邦彥不
能用師道字彝叔世衡孫少從張載學贈少保諡忠
憲弟師中字端孺山西人陸游老學菴筆記云种彝
叔靖康初以保靜節鉞致仕居長安村墅一夕旌節
有聲甚異旦而中使至遂起方彝叔赴召時有華山
道人獻詩曰北蕃羣犬窺籬落驚起南朝老大蟲趙

金史紀事本末

卷六

三

翼劄記云靖康圍城之事平仲欲刼營以士卒不得
速戰爲言綱主其議令城外兵俱歸平仲節度迷及
於敗見平仲傳而綱傳則謂平仲密奏斫營夜半中
使傳旨使綱策應似綱初不知者蓋因平仲敗以見
失策不在綱此本載綱所著靖
康傳信錄史館卽據以立傳也
己亥宗望復進師

圍汴宋使宇文虛中以書來改以肅王樞爲質遣康

王構歸師還

攷異薛應旂通鑑云金使王訥來致責
用邦彥言罷綱以謝金人廢親征行營

司太學生陳東等上書請復用綱斥邦彥等以閭外
付師道軍民不期而集者數萬欲毆邦彥走免殺內
侍朱拱之等數十人命復綱右丞虛中冒鋒鏑至金
營往辨以肅王代康王邦昌還汪彥章投李伯紀啟
云孤忠貫日正二儀傾側之中凜氣橫秋揮萬騎笑
談之頃又云士訟公冤咸舉幡而集闕下帝從民望
令免胄以見國人其贊美至矣及居翰苑草謫詞曰
朋姦罔上有虞必去夫驩兜欺世盜名孔子先誅夫
正卯繼又云專殺尙威傷列聖好生之德信謔喜佞
爲一時羣小之宗當時有以此問者彥章曰我前政

自直一翰林學士而彼不我用安得不醜詆之是可
笑也北盟會編云代綱者爲蔡懋禁放矢石陰懷二
心時城上有皂旗紅燈皆宦官欲爲內應者所爲金
遣崇義節度使大懷仁龍州團練使耶律忠送還康
王書曰使至迭承來論謹送康王久留軍中謹贈金一
切今如命遣送前去緣以康王久留軍中謹贈金一
萬錠聊用壓驚式表微意懋確子錢士升南宋書云
襲營後金人見責邦昌恐懼涕泣康王不爲動宗傑
疑非親王更請肅王乃得還時副肅王者尙有駙馬
都尉曹晟靖康要錄云時副虛中者尙有王侁差王
時雍高世則館伴金使晟尙榮德帝姬與上同生故
遣之避金酋改名晟爲實潘永因宋裨類抄云靖康
初金退吳敏等秉政有十不管之謠云不管太原只
管太學不管防秋只管春秋不管砲石只管安石不
管肅王却管舒王不管河東却管燕山却管聶山不
管舉人免解不管河東却管陳東不管二太子却管
立太子腐儒之誤國如此畢沅續通鑑云金遣韓光
裔告辭帝使虛中持綱所留三鎮詔往金人北去師
道請乘其半濟擊之不許爭用綱言分遣諸將追金
兵及於邢趙間相去二十里宰執密啟追還將士解

體沈良靖康遺錄云金師北歸所過殘破自京至黃河數百里井闔蕭然屍骸無算史均未載

以滑濬二州與宋宗翰定威勝軍宋史地理志云在

石園中領縣四攻異績通考云唐初為沁州又改陽

城郡後仍舊隋改威勝軍金仍為沁州升義勝軍統

銅鞮武鄉沁下隆德府即今路安府領縣八攷異輿

源綿上四縣地嬰兒為晉滅戰國稱上黨為韓王別

奪其地而潞子後周為潞州隋號韓州唐改昭夷軍

都秦置上黨郡後改今名潞通考云唐初為潞州又

宋初為昭德軍後改今名潞通考云唐初為潞州又

改上黨郡仍復舊宋改隆德軍今為潞州領上黨壺

關屯留長子潞城襄垣黎縣涉八縣上黨唐置屬潞

州壺關唐初復置壺縣於高望堡尋移治清流川屯

留唐自霍壁移今治長子本隋置潞城唐末改潞子

縣尋復舊襄垣隋置黎城本黎侯國隋置縣涉縣古

沙侯國漢置縣金升為丁巳次澤州在潞安府南百

崇州廢置縣屬真定後改高平郡尋復舊宋隸河

攻異績通考云澤州唐後元光中升為忠昌軍領晉城

東路金屬潞州昭義軍元光中升為忠昌軍領晉城

高平陽城沁水陵川五縣晉城唐初徙蓋州治此後
廢蓋州移澤州治晉城宋金仍舊高平卽趙長平地
唐置蓋州州廢以縣屬澤州陽城本唐護澤縣改金
末升爲勣州沁水本隋永寧縣改唐宋因之陵川唐
以後屬三月癸未尼楚赫尤原作銀圍太原要錄云太
澤州原不下於城外用植鹿角木環城厚數里中爲小徑
往來經火以警之時天氣熱賊兵番休分食十邑城
守益固方與紀要云金圍太原入不下於城下築舊
城居之號元帥府內外斷絕城中大困所載各異
完乾遷西京政異北盟會編云金破威勝軍守臣詹
迪原茂實往且告割三鎮靖康要錄云外尙有宋彥
通王介儒劉思等又割地使爲藏礮秦檜耶律懷義
傳本名伯特遼宗室子來降授西南招討使從宗翰
南侵降馬邑破雁門屯兵進攻太原時山陝兵來救
劉光世折可求柵於文水西山捕得宋生口盡知其
屯兵要害分兵襲敗之再侵宋從軍皆有功仕終中
京留守封蕭王紀未書畢沅續通鑑云宗翰聞宗望
議和亦遣人來索賂宰相拘其使不與乃分兵破忻

代折可求劉光世均敗平陽叛卒導入南北關李植
以威勝軍降破隆德府知府張確通判趙伯臻司錄
張彥適死之進屯澤州詔種師道師中姚古援三鎮
古復隆德府威勝軍扼南北關雅字子固汾州宜祿
人元祐間進士續綱目李植作李楨時行移文字出
樞密者則迫令破賊出三省者則令護出境莫之適
從師中患之方與紀要云南北關在靈石縣東八十
里宋史光世字平叔保安軍人延慶次子封鄜王謚
武僖元好問中州集滕茂實字秀穎姑蘇人以太學
正兼明堂司令與路允迪宋彥通奉使割三鎮被囚
雲中後允迪彥通南歸茂實留雁門與兄宗正承福
淮南發運使裔共居未幾家人亦至臨終有詩令黃
幡裹尸而葬刻宋使者東陽滕茂實墓後如其志又
云裔當作裔見南仲高濟叔碑周密齊東野語云北
人為起墓雁門山歲時致祭所記張浮休之弟確嘗
為烏延帥幕獨不延謁童貫及徽宗本以五月五日
生以俗忌移之十月十日皆可以補史闕後夏四月
其友董誥自拔南歸上所為詩贈直龍圖閣夏四月
乙丑耿守忠大敗宋人於西都谷云東兵正將古沆
攷異畢沆續通鑑

與金人戰於交城縣死之北盟會編云粘罕破黃迪
諸寨悉被害托克索傳從瑪武烏嚙破宋四千於
文水聞宋將黃迪等兵三十萬屯西山與耿守忠合
擊之殺八萬餘人俘獲甚眾靖康要錄云統制黃迪
應援太原於文水縣潰散逃走賞錢告捕所載各異
又云四月七日立皇子大寧郡王諡爲皇太子制器
曰生有奇姿性得異稟弱靡好弄屹爾成人之儀長
則嗜書粹然盛德之器比肇封於西土猶虛位於東
宮是用憲祖之彝章信龜筮之叶吉實天心之是佑
非朕志之敢私云是月幹離不遣計議使賈霆冉
企有議三鎮未下時差王休迎肅王因三鎮事留不
遣欲令賈霆等隨休先到闕尉氏主簿曹嗣宗言李
充美死於職守皆贈官遣武安五月辛未宋种師中
國王觀奉使絕域史多未載

以兵十萬出井陘

卽勾注山一名雁門關在代州西北二十五里

據榆次

各

在太原府東

完顏和尼

原作托克索

托克索

原作笑合速本傳宗室子納罕

寨人嘗自領偏師破雲中寇討應州賊平之從宗翰
南侵破石嶺關屯兵數萬下祁縣文水屯汾州連敗

金史紀事本末

卷六

其

郝仲連張思正張關索馬忠等軍復破師中兵破之
再從南下平汴京定河東官左監軍封定國公破之
於殺熊嶺在文水縣西六十里斬師中於陣托克索復與巴爾
斯原作拔商速本傳尼楚赫弟從希尹大破遼兵於
古北口南侵宋從克太原後與瑪武等襲宋帝於
揚州宗弼再定河南薩里罕經畧陝西皆在事有功
遷元帥左監軍卒諡敏定攻異續通考作尼楚赫族
叔系出景祖敗宋姚古軍於隆州谷隆舟峪又隆德
未知孰是
係軍名方輿紀要云祁縣有隆州谷明洪武時於此
建關盤陀驛在縣東五十里薛應旂通鑑云太原圍
不解詔師古與姚古進軍相為特角進次平定軍乘
勝復壽陽榆次等縣留屯真定時粘沒喝避暑還雲
中覘者以為將遁許翰信之數遣使趣戰責以逗撓
師中辨嚴約古及張灝等俱進為金活女所襲五戰
三勝回趨榆次至殺熊嶺統制焦安節妄傳粘沒喝
將至古等失期師中力戰死金進敗古軍於盤陀嶺
退保隆德事聞綱召安節斬之安置古廣州師中
少師諡莊愍大金國志云師中為婁室所破靖康小

雅云先鋒楊志不戰遁參謀官黃友戰沒李綱傳信
錄云師中心輕敵金乘間衝突諸軍射却之尋以賞
不足而散師中爲流矢所中死之趙姓之遺史云師
中戰沒師道告病歸耿南仲議出綱爲宣撫使中丞
陳過庭及陳公輔余應求言綱不當去皆罷之靖康
要錄廣州作廉州御史余應求初官校書郎上疏陳
七失嗣後屢進忠諫剋姦邪綱辭宣撫許翰書杜
郵二字示之及行賜御筵於瓊林苑按河東一作兩
河爲副者劉韜解潛趙德麟侯鯖錄云種師道經制
金虜反覆進二詩爲張大太尉收藏不達詩曰外塞
胡兒裏黨臣勾連數衆赴京城團團濶濶孤平寨不
識皇家王氣星又云飛蛾視火殘生滅燕逐羣鷹命
不從從今一掃胡兵盡萬年不敢正南行後金人犯
闕皆如其言初與揚可存中立殊勳後欲擊賊不聽
氣憤卒元好問中州集雁門何宏中字定遠初調章
城尉汴京被圍州郡多避走獨韋不下兵退統制武
漢英奏辟召見不果時副帥神師中兵已潰宣撫檄
宏中副漢英守銀冶路漢英戰死拜宏中河東河北
統制接應使糧盡被禽不屈放爲黃冠師起紫薇殿
奉徽宗像事之正隆四年卒著成眞通理三集有述

懷詩云馬革盛尸每恨遲西山餓路更何辭姓名不
到中興歷付與皇天后土知宋史翰字崧老襄邑人
過庭字賓玉山陰人友字龍友温州平陽人官其後
八人公輔字國佐臨海人繫年要錄云過庭後沒於
金嘗得疾其卒割肋潞州復叛宋兵十七萬固納本
及肝以愈之贈官
伊克子善騎射有才幹從伐遼戰寧江州珠赫店皆
以有功受賞從宗翰下中西二京圍汴屢敗其援兵
終天德軍節度伊克系出景祖與罕托克索巴爾斯
都常在世祖左右卒贈特進諡忠濟
皆被圍托克索麾軍下馬力戰遂潰圍而出 秋七
月戊子蕭仲恭使宋還以所持宋帝與耶律伊都蠟
書自陳
攷異畢沅續通鑑云先是仲恭來索所許金帛踰月不遺其副趙倫懼見留給館件耶僚
日金有耶律伊都者領契丹兵甚眾貳於金宜結之
使南向金可襲而取徐處仁吳敏信之以蠟書命仲
恭致之以書獻宗望復議南伐靖康要盟錄載其書
甚詳宣和錄同但謂倫還首其書於粘罕為異沈良

靖康遺錄云幹離不使蕭慶來拘於都亭驛慶見敏
慟哭約共復仇敏奏以書授之李燾長編注謂蕭慶
當作蕭倫王宗沐續通鑑又謂以肅王不歸欲留其
使蕭仲茂恐傳聞之說不足信也熊克中興小紀云
高宗謂李綱志大才疏用之誤國如聽邢侗之計結
餘觀開豐敵軍敵笑之亦足見其疏也按熊克於忠
河陽置綱級軍敵笑之亦足見其疏也按熊克於忠
定每多徵辭恐難盡信靖康要錄云大臣謂金領肅
王過河留其使尤者等逾月不歸及倫還贈金帛各
干而正倫獻書粘罕表聞其主又云七月一日帝致
書金大元帥云比因專使常以布書具載惻誠想加
通亮但以三鎮之民懷土顧戀以死堅守雖令不從
致宿師引日已久惟兵民各爲其主固於暴露深可
憫傷是用欲以三鎮稅租佃充歲幣旣不失通和之
義抑亦爲長久之圖諒惟仁明必能矜察已遣使大
亮有少禮物具於別幅秋暑尙煩更希保護又致書
皇子郎君云比常布問具致惻誠近因使介之施尤
詳敦好之意但以三鎮之民懷土顧戀雖令不從又
云方昭大信諒不受於聞言將究遠圖豈是生於細

故成長利於兩國在仁人之立談想惟英俊必能體
充餘畧同前書北盟會編云麟府折可求言夏國之
北有遼梁王蕭太師統兵十萬欲結南朝以復怨敏
勸帝致書亦為粘罕得紀載各異宋史敏字元中真
州人處仁字攝之應
天穀熟人係恕子
八月庚子詔左副元帥宗翰

右副元帥宗望南侵庚戌宗翰發西京宗望發保州

攷異耿氏痛哭流涕編作八月十日靖康要錄云八
月遣劉岑馬識遠充計議使副赴金命宗澤使幹商
不軍李若水使粘罕軍若水改名若水差周望充正
旦國信使九月差張元使粘罕軍劉衍使幹商不軍
黃夏卿趙說充生辰使副北盟會編云粘罕令楊天
吉王訥等來詰遣書事并原割三鎮宋遣刑部尙書
王雲使軍前辨明書係姦人偽造非朝廷意并計三
鎮租稅雲歸奏帝大喜吳敏力沮乃止雲疏爭不聽
保州即今保定府與地廣記云宋初為保塞軍升保
州政和三年為清苑郡領保塞一縣即清苑續通考
云本唐清苑縣隸鄭州宋升保州金為順天軍隸河
北東路明為保定府領祁安易三州清苑唐安肅定

興博野慶都雄蠡新城深澤束鹿高陽涑水滿城容
城完新安十七縣清苑倚郭以河得名宋改保塞縣
金復舊唐縣唐因隋舊朱梁改中山石晉改博陵漢
復舊安肅宋初爲州後置縣金升爲徐州後爲安肅
州定興本范陽縣地金大定中置縣博野本漢蠡吾
縣地後魏置縣名博野慶都唐爲北平縣金改今名
屬中山府雄州唐歸父縣五代爲瓦橋關周置雄州
宋置歸信縣金升永定軍蠡縣唐置州宋改永寧金
升爲寧州改蠡州領博野一縣新州唐以後舊束鹿唐
縣遼金因之深澤宋曾省入鼓城縣後復舊束鹿唐
本鹿城縣改高陽唐以縣置滿州州罷置縣金屬莫
州涑水宋曾併入易縣遼復置滿城唐以永樂縣改
金因之容城唐改爲全忠縣金屬安肅州完縣唐爲
北平縣宋升北平軍金改永平縣升完州新安金置
新安州宋張灝出兵十萬出汾州卽今汾州府攷異
渥城縣屬太原郡元魏置西河郡兼立汾州北齊置
屬晉秦屬太原郡元魏置西河郡兼立汾州北齊置
南朔州後周曰介州宋因唐舊爲汾州領縣五西河
靈石孝義介休平遙續通考云唐改西河郡爲浩州
又改汾州金置汾陽軍元立元帥府領汾陽孝義介

金史紀事本末

卷六

六

休平遙四縣孝義魏置中陽縣唐改今名平遙唐縣屬太原府元改屬汾州介休秦縣後魏置定陽郡縣曰平昌周改巴爾斯擊走之羅索原作托克索等復介休今因之破之於文水攷異薛應旂通鑑云宣撫李綱赴兩河進次懷州詔罷所起兵綱疏爭不報趣赴太原乃遣解潛屯威勝軍劉韜充遼州幕官王以寧與統制折可求張思正等屯汾州范瓊屯南北關時諸將皆承受御畫宣撫徒有節制名韜兵潰潛兵敗於南關以師道代召綱還張顯與金戰文水敗績幹離不犯真定張思正夜襲金營於文水敗之明日復戰師潰死者數萬人思正奔汾州折可求亦潰於子夏山於是威勝隆德汾晉潞澤絳民皆渡河南奔州縣悉空金復攻太原綱上書極論節制不專之弊請合大兵為一路進及范世雄以湖南兵至薦為判官方欲會合擊敵會議和止進兵遂代還言者論敏由蔡京進安置洛州北盟會編云灝為孝純子官採訪使收敗將冀景誅之文水作郭山寨方輿紀要云文水源出永寧州北境之方山流入文水縣境至汾陽縣入汾水亦曰文谷水又子夏山即隱泉山在文

水縣西南二十五里子夏劉臻以兵出壽陽縣名屬太原府

退居西河即此所載較詳

羅索破之耶律鐸敗宋兵三萬於雄州即今保定府雄縣詳卷九

納延原作那野等敗宋兵七千於中山庚申托紐原作突撚取

新樂縣名屬定州攷異宗望傳時高陸董才敗宋師三千於廣信王伯龍傳以先鋒次保州遇敵五

萬破之招降新樂軍民九月丙寅宗翰克太原執經

畧使張孝純攷異薛應旂通鑑云孝純力竭不能克城遂陷被執釋而用之副都總管王稟

負原廟中太祖御容赴汾水死通判方笈轉運韓揆

等三十六人皆被害張滙節要云稟欲出西門不及

自盡死趙姓之遺史云稟負御容縋城投谿死大金國志云枯罕得稟屍大罵賤之而暴於野圍城凡二百六十日軍民前死者十八九韓揆作韓總三十六人一作三十人時死節可考者尚有稟子閤門祇候荀統制高子祐統領李宗顏提舉單孝忠廉訪呼沙狄流通判張叔達王逸判官王嵒見北盟會編

呼原作鶻沙虎曹國公希卜蘇子官眞定留守國初
志有大功致異汪輝祖金史同名錄云卷二十七河渠
其兄卷八十八蒲察幹論傳大定八十烏延蒲盧渾傳
鶻沙取平遙靈石介休孝義諸縣靈石縣屬霍州
虎未宗望破宋种師閔
卒宋史地理志云屬河北西路
從軍於井陘取天威軍宋史地理志云屬河北西路
之路與國二年分河北南路雍熙四年分東西路東路
路領瀛滄冀博棣雄莫霸德濱恩十二州永靜乾寧
信安保定四軍西路領相定邢懷衛洺深雄祁趙保
十一州安肅永寧廣信順安四軍并未列天威軍名
克眞定殺其守李邈與羅索乘風縱火焚其樓櫓諸
軍畢登遂克其城紀未載薛應旂通鑑云眞定被圍
鈴轄劉州晝夜力戰城陷自縊死知府李邈被執北
去先是眞帥劉幹守禦備具總管王淵鈴轄李質練
卒數千敵不敢犯會太原危急命幹守遼州辟淵質

自隋以遼代措置無策城遂陷宋史作十月事諱之

孫氏山亭中縊死源字彥思清江人諡忠壯大金國

志云遼至燕山劉彥宗逼之降不屈粘罕命冬十

斬之談笑赴市史未書劉嗣戰死事今從紀

月羅索克汾州兵攻異大金國志云粘罕既下太原縱

逾月乃克之知州張克戢巷戰死一門死者八人都

監賈賣亦死之宋史克戢字德祥侍中者曾孫諡忠

確史未載石州即今永寧州攻異與地廣記云石州

張賈死事石州在戰國為趙之南石邑東漢為西河

郡治北齊置西汾州及懷政郡後周改州為石州郡

為南石郡今因唐舊領縣三續通考云唐初改南石

郡為石州又為昌化郡後仍為石州金興定中隸晉

陽領南石方山孟門溫泉臨泉南鄉六縣南石舊名

平夷明昌中改南鄉又南鄉本漢南石縣地後周析

置南鄉平夷二縣隋廢南鄉以平夷屬石州金改平

夷曰降芬徹克平定軍遼州降宋置屬平定軍縣二

為樂平郡後魏為遼陽郡隋屬遼州唐遼州徙治此

中和三年復曰遼州今因之領縣四有平城無儀城

金史記事本末

卷六

三

續通考云唐置遼州又改箕州又改儀州宋復舊為

樂平郡金天會中以與東京遼州同加南字天德中

復去南字領遼山榆社和順儀城四縣遼山倚郭隋

置榆社隋置唐號榆州州罷置縣和順宋熙寧中省

入遼山縣屬平定軍北盟會編云金陷麟州建寧寨

知寨楊震及其子居中執中皆被害惟沂中方從征

河朔得免南宋書云遼亡其將小鞠韓西奔招合雜

羌十餘萬破豐州攻麟府諸城楊宗閔屢推敗之俘

其父母妻子靖康元年十月太原陷鞠韓驅幽薊叛

人與夏人奚人圍建寧語宗閔子震曰汝父奪我居

掩我骨肉我忍死到今降則全汝軀命越旬城陷十

月甲子宗翰自太原趨汴戊辰下威勝軍癸酉薩

喇達原作撒破天井關一日太行關在澤乙亥克隆

德府改異北盟會編云粘罕軍至城下通判李諤許

府張有極被俘又陷平陽府經畧使林積仁統制劉

銳棄城走畢沅續通鑑云宋遣劉琬扼平陽回牛嶺

兵潰金遂破平陽靖康要錄云時府庫困乏士守回
牛嶺者日給豌豆二升或陳麥士笑曰軍食如此而
使我戰乎賊銳師至於山下仰觀官兵曰彼若以矢
石自上而下吾曹殆矣為奈何未敢前進俄官兵自
潰賊乃登道至平陽琬遁城陷河東逢虜記云絳州
軍亂太守李弼傳遁帑藏甚富掠奪一空趙姓之遺
史作李元儒又有通判和尼渡盟津即孟津今孟縣
李昌言亦走紀均未載
六十西京永安軍宋史地理志云本乾寧軍周平三
至即清鄭州在河南府城西北四十里攷異輿地廣記
州鄭州云鄭為火正祝融之墟管叔鮮及虢鄩封
地京遷鄭武公滅二國徙都之今為奉寧軍縣六續
通考云唐置鄭州又改滎陽郡宋為奉寧軍今仍為
鄭州領管城滎陽密河陰原武汜水滎澤七縣管城
隋為滎澤縣宋省滎澤入管城滎陽唐析置武泰縣
屬潞州尋省入滎陽宋金因之河陰汜水金均屬鄭
州密縣唐為州州廢置縣原武唐本原陵縣改宋省
入陽武後復舊滎澤舊
隸鄭州宋省入管城
皆降庚辰克澤州時羅索至

澤州托克索烏嚕以五百騎爲前驅往招河陽縣名屬孟

州先據黃河津宋兵萬餘背水陣進擊破之皆格於

水遂降河陽攷異大金國志云粘罕軍至河陽宋宣撫折彥質領兵十二萬夾河而守簽書

李回以萬騎至河上金人曰南兵亦衆與戰勝負未

可知不若加以虛聲遂擊戰鼓達旦宋師潰散提刑

許高許亢各軍皆望風潰金兵悉渡官吏皆棄城走

西道都總管王襄河陽守燕瑾皆遁宋史欽宗紀作

燕瑛旋爲亂兵所殺繫年要錄云高亢後至南康謀

叛爲守臣李定韓瑋所誅熊克小紀高亢作一人建

炎初用綱言詔定瑋皆轉一官謂爲健俠靖康要錄

謂金之擊鼓驚衆者計出婁宿北盟會編云粘罕自

河陽渡大河分兵五萬守潼關以扼西兵後范致虛

至陝不敢進錢蓋兵出商虢唐鄧而軍散職是故也

畢沅續通鑑云致虛會兵八十萬以僧趙宗印爲謀

主未嘗知兵至千秋鎮爲羅索敗走還洪邁夷堅志

云宗印本陝西士人爲僧好大言致虛命反儒服官

至直龍圖閣兵敗得疾自食其糞經旬死史未載

進攻懷州即今懷慶府攷異輿地廣記云懷州為禹

置懷州唐後改為河南郡今縣三無山陽續通考云

唐為懷州金加南字又改沁南軍天德初去南字領

河內修武山陽武陟四縣河內唐為懷州治以太行

紫陵忠義三縣省入宋金仍舊修武唐徙治西修武

宋省入武陟尋復置金因之武陟唐置陟州克之攷

州廢以縣屬懷州省懷縣入焉宋金仍舊

薛應旂通鑑云懷州被圍知州事霍安國扞禦不遺

餘力鼎澧兵亦至相與拒守拜徽猷閣待制城陷不

屈死一門無噍類通判林淵鈐轄張彭年都監趙士

訥張謐于潛鼎澧將沈敦張行中及隊將五人皆不

屈死面縛殺十三人而釋其餘畢沅續通鑑云王美

投濠死靖康要錄作王英大金國志士訥作士謬謀

作訥于潛作丁潛五人宗望自真定趨汴聞宋會

作五百人所載各異

諸路軍於睢陽即今歸德府攷異輿地廣記云南京

宋即此漢為梁國後周置梁州隋置宋州續通考云

唐為宋州又為睢陽郡後唐為歸德軍宋升南京金

爲歸德府宣府軍領睢陽寧陵夏邑虞城穀熟楚邱
六縣金亡宋復取之睢陽倚郭唐曰宋城改睢陽金
仍舊寧陵本古葛伯國宋州後屬應天府金屬
歸德府夏邑金本下邑改屬宋州虞城禹封商均地
唐置縣楚邱隋遣達蘭捷懶阿里庫將兵往拒敗其
本己氏縣改
前鋒軍三萬於杞縣今屬開取拱州宋史地理志云
隸開封府屬京東西路改異王存元豐九域志云京
東路熙寧七年分東西路東路領青密齊登萊濰淄
七州淮陽一軍西路領兗徐曹鄆濟單濮七州無拱
州名輿地廣記云拱州春秋屬宋陳秦屬三川碭郡
漢屬陳留淮陽梁國今屬開封應天府建名輔州又
改拱州縣六襄邑考拱州又升保慶軍金改睢州領四
云唐屬曹州宋改拱州又升保慶軍金改睢州領四
縣襄邑附郭考城唐縣金仍唐屬曹州又改睢州儀
封金爲通安堡柘城唐省降寧陵縣名今屬復破二
入穀熟寧陵二縣等復置
萬兵於睢陽取亳州今屬鳳陽府攷異輿地廣記亳
州東漢屬沛國爲豫州刺史治

魏置譙郡後魏因之兼立南兗州後周日亳州今縣
七續通考云唐初為亳州後改譙郡後仍舊宋升集
慶軍金復為州宜宗升為節鎮州領譙鹿敗宋兵四
邑衛其城父永貞鄭六縣譙縣漢置附郭
萬擒其將石瑱庚辰諸軍渡河臨河縣名屬大名在
名府東二縣德清軍在清豐縣開德府今開州在大
南十里異輿地廣記春秋屬衛國秦置東郡唐屬澶
十里宋縣七濮陽觀城臨河清豐衛南朝城南樂績
寧軍宋縣七濮陽觀城臨河清豐衛南朝城南樂績
通考云唐為澶州宋升開德府後仍舊金皇統中改
開州領濮陽清豐二縣元加入長垣東明清豐唐置
宋為德清軍治金罷州以屬開州長垣唐為匡城縣
五代後復舊皆下遂至汴留韓慶和金國志云幹離不
金屬開州
源府宋都統王淵遣將韓世忠拒之宣撫范杓軍五
萬守滑濬知有備乃由恩州王榆渡趨大名由李固
渡濟河抵汴薛應旂通鑑云先是金兵未渡河王雲
固請康王往使詔王與雲偕行許割三鎮奉金主為

皇叔上尊號十八字行至磁州宗澤請勿往先是雲
奉使過磁相勸二郡撤城外民舍運粟入保民怨之
及是王謁嘉應神祠民譟執雲殺之金兵游騎日至
城下蹤跡王所在知相州汪彥章以帛書迎王至相
彥章由是受知東都事畧謂因耿延禧等言回相州
熊克小紀云崔府君爲東漢崔子玉封嘉應侯號應
王上至州人擁神馬謂應王出迎澤啟王宜謁其廟
雲從上入上旣出雲被害澤捕害雲者斬之宋史延
禧爲南仲子雲字飛潭州人贈觀文殿學士王上
徽號表文係汪藻草定載丁特起泣血錄博士華初
平諫不聽初使南仲辭以子延禧代行見繫年要錄
周輝清波雜志云高宗初渡河一神將善人倫密語
同列曰大王神觀甚佳此行必成大事餘舍人觀察
亦保終吉但資政氣貌甚惡禍在旦夕謂王雲也後
果被害於應王廟中舍人耿延禧觀察高世則皆參
謀議潘永因宋稗類抄云高宗初至磁州人不欲其
北行諫不從宗澤欲假神道以止之曰此有崔府君
廟甚靈可以卜筮仍言其廟有馬更顯應遂入燒香
其馬啣車輦等物塞去路遂止不往後就玉津園口
造廟令曹泳作記因檜言金以爲功不宜歸功神遂

嬰之曹泳湯思退皆檜晚年所信用者曹尤狹檜妻
兒皆爲所離間檜沒編置海外死李心傳朝野雜記
云故事百官出入皆乘馬建炎初上以維揚磚滑許
乘輜蓋東都舊制唯婦人得乘車大臣宗室特旨許
乘肩輿爲吳數靖康末高宗奉使至磁磁守宗澤以
所乘輜進黑漆紫褥而已上猶卻之蓋京百官不用
肩輿避至尊也今行在官非入朝無乘馬者舊在京
非宰執使相親王無得張蓋紹興後北使至則用之
件使亦然至今爲例又乾道後每北使每歲兩至亦
用樂但呼市人爲之靖康妻錄云初副康王者爲翰
林學士王寅擢左丞尋憚遠行以夢誣上乞免上震
怒責寓散官安置新州黜其父易簡宮祠以馮解代
行又以吳玠辭奉使降三官命黃鍰由海道往以禮
物議和十一月七日雲馳歸中外大駭猶集百官議
三鎮棄守若水歸慟哭求從其請梅執禮建議清野
未幾王及之偕金使王洵來不復言三鎮直以過河
爲言命耿南仲聶昌往使均辭免官昌後行至絳州
被殺所載較詳又浮溪文粹云衛公膚敏使金至涿
州與沃哩布遇請相見問其儀以例對公笑曰所謂
例者非趨伏羅拜乎皇子雖貴人臣也使公笑曰所謂

金史紀事本末

卷六

三

人臣也兩國之臣相見而僭君是一閏月壬辰朔宋

出兵拒戰宗望等擊敗之時宋人夜出兵焚攻具持

嘉輝以二穆昆兵擊走之所當無不捷當是時阿里

錫默阿里傳父歡塔穆宗時內附有戰功阿里年十

七從征高麗屢獲捷伐遼舉宋功皆最歷秦寧節度

降封韓國公諡智敏與察遜雅薩亦合兵禦之宋軍

大潰太尉何桌以軍數萬出酸棗門王伯龍

人遼末為盜率眾來降授明安從伐遼攻下中京為

靜江留後進節度從平張覺於平州南侵敗宋兵於

白河從平汴京下廬和收河南功居多歷延安

尹寧昌節度封廣平郡王正隆例降定國公又以

本部遮擊多所斬獲癸巳宗翰至汴

屯劉家寺粘罕自河陽來會駐青城使劉晏來要帝

出盟時西南兩道援兵為唐恪耿南仲遣還於是四

方無一人至者城中衛士七萬人以萬人分五軍命
姚友仲辛永宗領之以五萬七千人四壁守禦遣使
出關召兵恪請幸西洛何卓引蘇軾論周東遷失策
以阻之都總管張叔夜胡直孺皆將兵入衛直孺至
拱州兵敗被執金縱兵攻通津朝陽二門都指揮王
宗澹敗遁統制高師旦死之叔夜與戰初斬金環二
貴將旣而敗還范瓊出戰渡河冰裂沒者五百人桌
趣郭京出師兵敗墮死於護龍河冰裂沒者五百人桌
欲爲亂張思正殺之宋史恪字欽宗紀云時都民殺
封人叔夜字稽仲侍中者孫欽宗紀云時都民殺
制辛亢宗畢沅續通鑑云時有劉孝竭亦效京所爲
其兵有北斗神兵天關大將之稱時叔夜請幸襄陽
天大風雪卒寒噤不能執兵趙姓之遺史云樞密承
旨王健創置奇兵自爲統領官桌領之尋作亂殿帥
王宗澹捕斬數十人乃定靖康要錄云御史胡舜陟
薦秦元提點京城刑獄訓練保甲元進所撰師律并
大小八陣圖舜陟稱其知兵寇至請集保甲三萬當
一面不許請乘間出戰劉韜取元保甲自益謀遂塞
然元兵怯尋潰走二十八日城上兵殺辛慶宗及其
子三十日遣聶昌耿南仲爲告和使以黃河爲界王

金史紀事本末卷六

美

及之擅改爲黃流敵不許再遣楊天吉王洵入議先是帝命李穀閱兵劉家寺取砲石置寺中至是盡爲賊有間月進士司文政力言不可駭恐城破稱臣不及稟斬之時有劉宗傑傳臨政等均效京所爲登城繪天王像曰可令敵膽落故邱濬感事詩有郭京楊適劉無忌盡向東南卧白雲之句識者早知其必敗也丙辰克汴城攷異岳珂程史云初藝祖修汴城大撤而方之靖康戎馬南牧二將揚鞭城下曰是易攻耳遂令植炮四隅隨方而擊一砲所壓一壁皆不可守城遂陷其裏城周世宗所築用虎牢土堅密如鐵元將速不臺砲石環攻不能克見方輿紀要朱翌猗覺寮雜記云宣和己亥都城北民家晨起見一物如龍伏牀下大驚都人往觀禁中取去驗之鼉也林殺之城北去水遠不知所從來已而大水不數年有金人之禍葉夢得石林燕語云京師大內梁氏建國止爲建昌宮本唐宣武節度治所未暇增大也後唐莊宗遷洛復廢以爲宣武軍晉天福中因高祖臨幸更號大寧宮今新城是也其增展外羅城蓋周世宗始爲之宋建隆初以大內制度草創詔圖洛陽宮殿展

皇城東北隅命李懷義董其役周密癸辛雜識云汴
外城周世宗築神宗展拓其高際天堅壯雄偉南關
外有太祖講武池周美成汴都賦形容盡矣又云梁
壽可丙申再游汴梁書所見梗概太學內有大金登
科題名女眞進士題名其字類漢篆而不可識司天
臺太歲殿徽宗草書九曜之殿朝元宮殿前有太石
香鼎二製作高雅聞熙春閣前原有十餘座徽宗每
宴熙春則用此燒香於閣下香烟蟠結凡數里有臨
春結綺之意也汴有大殿九間者五相國太乙景德
五岳盡雕鏤窮極華侈塑像皆金時所爲絕妙徽宗
定鼎碑瘦金書蔡京題額政和定鼎之碑或云九鼎
金人未嘗遷亦只在土中或水中耳光教寺在汴城
東北角普賢洞記石碑甚雅金皇統四年四月一日
奉議大夫行臺吏部郎中飛騎尉施生撰并書所謂
方人者也後爲金相字步驟東坡寺入門先經藏殿
藏極工巧四隅不動其中運轉經卷無倫次皆唐人
書也潘永因宋稗類抄云元祐黨籍碑成於蔡氏父
子實則王安石啟之呂惠卿載諸謝章曰九金聚粹
盡圖魑魅之形自此黨論大興卒致戎馬南驚後金
兵入汴見鑄鼎之象而歎曰宋之君臣用舍如此焉

金史紀事本末

卷六

三

得久長遂怒而擊碎之

時日已暮宋人猶力戰槍刺中富埒瑋

手戰益力遂敗宋師

攻異棟摩傳汴城破諸軍屯城

萬人棟摩達蘭分擊大敗之耶律懷義傳我軍圍汴

懷義屯京西汴城既下宋兵出奔者逐擊盡殪之後

從定中京皆有功還鎮加左僕射紀均未載薛應旂

通鑑云金焚南薰諸門統制姚友仲死於亂兵宦者

黃經國赴火死統制何慶言陳克禮中書舍人高振

力戰與其家人皆被殺劉延慶出奔為追騎所殺城

遂陷叔夜被創父子猶力戰帝勸哭曰不用種師道

言以至於此衛士入都亭驛殺金使劉晏其長蔣宣
欲邀駕犯圍出不果果欲率都人巷戰金宣言和議
乃止熊克小紀云延慶陷敵中後與同志謀逃歸事
覺遇害嗣保捷軍卒王進自北還子光世始知之乞
解官尋起復稍異宣和錄云延慶奪門陷金明池中
死子光國攜王黼愛妾張氏逃敵騎至殺妾自縊又
異靖康小雅何慶言作慶彥黃經國作經臣提舉官
田灝中破死靖康要錄云二十四日大雪深數尺劉
晏邀親王宰相出城俄報金兵登城晏等被殺金

來索髮等四尸以首還之初薄城每夜鼓鼙四發城
屋皆震聞者不安城破亦然曰平安鼓嗣後間一擊
之自十一月十三日雪作至次年二月一日方晴初
用兵置烽火達北邊賊初入境日數千炬自渡河不
復見矣賊索京櫛等家族先以京妾慕容氏及二小
孫以以往宋史欽宗紀宦者黃經赴火死斬指揮蔣宣
李福盧萬時大雨雪連日夜不止赤氣亘天白氣出
紫微彗星見日赤如火無光洪邁夷堅志云景州馬
仙姑於靖康元年十一月二十五日衰麻哭於市曰
今日天帝死吾爲行服市人逐之後聞京師是大變
守又東平龍可精歷學謂趙九齡曰京師將有大變
吾從此去扣之曰火龍曰飛雪滿天明丙辰果不
守時大雪連綿見潘永因宋稗類抄云龍伯康游京
師嗜酒諧謔攜矢於大閱之所射皆中的忽指其地
曰後三年此間皆胡人宣和末有題字於寶籙宮瑤
仙殿左扉云家中木蛙盡南方火不明吉人歸塞漠
巨木又摧傾後靖康之變方知家中木宋也南方火
乃火德吉人巨木二帝御名又宣和元年秋道德院
奏金芝生車駕往觀因幸蔡京第京有詩帝和云道
德方今喜迭興萬邦從化本天成定知金帝來爲主

金史紀事本末

卷六

天

不待春風便發生後金以宣和七年冬犯京師十二月二十五日城破太史預借立春出土牛以迎新歲竟無助於事又崇寧間徽宗嘗夢青童從天下出王牌上有字曰丙午昌期真人當出及覺預製詔書訪異人己而乙巳丙午禪明年北狩乃悟丙午是猖獗之期而女真之人出也又道君改元宣和人或離合其字曰一旦宋亡要錄謂信日者王俊民言迎土辛酉牛且令新城益張黃旗以應木德仍自東壁始宋帝出居青城雀門上御馬素隊三百人詣青城見二賊至南薰門南立馬移時候報許來日入城相見十二月一日上宿郊宮遣宰執議和者數四始定乃往青城見二酋方輿紀要云青城有二一在南薰門外宋祭天齋宮也曰南青城其北青城在封邱門外則祭地齋宮也宋二帝及金末后妃所居皆南青城袁文襄牖間評云青城宮室亭榭皆結綵爲之頗壯麗至宣和中始以瓦石爲宮室宏壯擬於宸極後金人之來正據青城二聖北狩由此若或使之者焉十二月癸亥宋帝降是日歸於汴城攷異畢沅續通鑑云帝遣何桌

與濟王栩使金營及還喜和議成既歸都堂作會飲
酒談笑竟日遂奉帝詣青城蕭慶入居尚書省朝廷
動靜皆先關白帝還宮金使來索金一千萬錠銀二
千萬錠帛二千萬匹於是大括金銀遣陳過庭折彥
質往兩河割地分遣廬陵歐陽珣等持詔往珣力諫
不聽至深州慟哭勉以忠義金執送燕焚死之靖康
後鋒云泉日於都堂飲醇酒誣柳辭聞敵宣索乃日
便饒便漫天索價待我畧地酬伊聞者大驚東都事
畧云金索監書蘇黃集及通鑑遣兵百衛光廣凡王
安石說皆棄之北盟會編云奪富鄭公文潞公溫公
子孫滔永因宋稗類抄云幹商不破汴京殺太宗子
孫幾盡宋臣詣其營觀其貌絕類宋太祖伯顏下臨
安有識之者後於帝王廟見周世宗像分
毫不爽世又傳王介甫為素王廷美後身

五年春正月癸巳宗翰宗望使使以宋降表來上

攷

繫年要錄云降表係晉陵孫觀秉筆桌與程振胡交
修同潤色之表至淵聖詣端誠殿尼瑪哈設飲別後
馬伸論覲草表罪不問表畧曰三里之城已失竊籬
之守七祖之廟幾為煨燼之餘久煩汗馬之勞輒效
金史紀事本末

卷六

元

章羊之請見靖康要錄又云帝見二賊迎於門設香
案望金國拜以表授粘罕講賓主禮上卒就主位供
給良厚駕回令官民詣軍前謝僧道作功德報金國
全活生靈恩初見粘罕作二表皆覲筆云社稷不損
宇宙再安粘罕抹大金二字祇稱皇帝又易宇宙二
字云大金亦宇宙也皆從之後二太子遣國相持書
云既往不念均無可言事至於今良爲驚悸并命喚
回康王其書不書名正月九日賊欲帝再出以上金
主徽號爲辭桌謂須親出上信之桌自謂折衝有術
對北使歌曰細雨共斜風作輕寒左右皆笑時若水
亦勸上再出保無他泊留數日無還意詰粘罕謂金
銀未如數因取手詔督取甚急且具軍令狀既知帝
見廢卽嫚罵粘罕無信而貪賊怒驅出青城擊殺之
贈觀文殿學士官其後七人薛應旂通鑑云金再遣
帝出有難色桌若水謂無虞乃命孫傳謝克家輔太
子監國復如青城吳革謂天文帝座甚傾出必墮其
計叔夜叩馬諫均不聽劉韜至金營酌卮酒自縊字
仲偃崇安人第進士歷延康殿學士兩河宣撫副使
諡忠顯子羽父二月金逼二帝易服若水抱帝哭罵
賊死之字清卿曲周人登第歷吏部侍郎諡忠愍靖

康小雅云時金樞密使韓正年高尼瑪哈欲使劉韜
代之韜自經按實錄正時爲尙書僕射非樞密使大
金國志云與韜同死者徐揆與若水同死者王履履
開封人贈武勝節度揆衡州人大學士試開封爲舉
首趙姓之遺史云金以金帛不足殺戶部尙書梅知
禮工部侍郎陳知質禮部侍郎安扶開封尹程振鞭
胡唐老胡舜陟黎確等四人唐老遂死繫年要錄謂
唐老未死此誤宋史知禮作執禮字和勝浦江人扶
肅子振字伯啟樂平人贈端明殿學士謚剛愍潘永
因宋稗類抄云執禮初爲給事中忤王黼黜守滁櫺
罷復職知鎮江靖康初以翰林學士召謝表畧曰嘉
熙自遣日天之未喪斯文也吾亦何爲不豫哉後蔡
疑榜登科死靖康之難宣和錄云姚舜明王重僕亦
杖百夏少曾朝野僉言云執禮四人欲結兵以救二
聖與王時雍議不合金假金銀事殺之帝通謁二首
禮數迥異於前不勝憂懣編修胡珵太學生余覺民
等上書請駕回宮要錄尙有汪如海王明清揮塵後
錄云進士黃時俛段光遠上書請斬內侍藍忻等且
言不得以金帛久留車駕不報趙彥衡雲麓漫鈔云

明清字仲言有揮塵錄其從祖王彥輔復撰塵史則
二書皆出一家沈良靖康遺錄云金以金帛不足欲
縱兵入城帝問蕭慶答曰須自見元帥及往粘罕不
相見嚴兵護守靖康小雅云時帝所居止一榻二小
机繡坐蕭然獨坐夜召孫覲等賦歸回二韻詩呂本
中痛定錄云上賦時字詩曰噬臍有愧平燕日嘗膽
無忘在莒時藻詩曰戎帳夢回驚日外都城心切望
雲時語達帥酋遂遲留車駕遺史又云上元日金首
請帝至劉家寺觀燈約赴打毬會卽還不果語云七
將渡河潰萬屯之禁旅入人登壘摧千仞之空城宣
和錄又云自帝蒙塵二帥旣不許見日遣蕭慶須索
城中物脅帝傳旨取之幼老春秋云吳升莫儔持帥
府文字請上皇出宮孫傳時雍等乞與諸王后妃偕
上皇乘竹轎出城鐵騎簇擁而去百姓痛哭靖康後
錄云上皇與二酋相見厲聲責之皆無言慶等亦不
出少頃少帝見上皇號泣上皇曰汝若聽老夫之言
不遭今日之禍蓋嘗勸其出幸爲桌所阻也靖康要
錄云帝蒙塵後雨雪不止物價踊貴米斗千三百麥
斗千驢肉斤千五百歲前羊肉斤四干猪肉斤三千
至是不復有矣凍死十五六遺骸枕藉正月十七日

霧氣四塞二十四日開儔持廢帝偽詔入城孫傳等
讀之號慟欲死文曰元帥府達以宋王降表申奏今
奉聖旨先皇帝有大造於宋宋人悖德故去年有問
罪之舉乃因嗣子遣信軍前哀鳴祈請遂許自新既
而不改前愆變盟愈速是用再討猶敢抗師泊官兵
力擊京城摧破方申待罪之禮況迫爭載書有違斯
約子孫不紹社稷傾覆父子所盟其實如一今既伏
罪宜從誓約宋之舊封頗亦廣袤既爲我有理宜混
一然此舉止爲弔民本非貪土宜別擇賢人立爲屏
藩以王茲土其汴京人民許隨主遷居云云初上皇
之未出也金點兵洗城穴城四壁每壁爲五洞門以
通鐵騎取東宮亦然會如期而出乃止史多未載
夏四月諸軍北還乃自寧陵而上盡置僞官安撫士
民至是盡驅而北屋舍焚蕪殆盡東至柳子西至西
京南至漢上北至河朔皆被其毒墳塚發掘殆遍郡
縣爲之一空靖康要錄云戎人搬運器物自陽武九
十里黃河內入北青州徑趨金國二酋左右姬侍各
數百皆秀曼光麗紫幘青袍金束帶爲飾他將亦不
下百人珍寶山積求取無厭內侍權貴向鬻爵納賄

者盡歸於敵矣四月十一日北去留檄書數百道付邦
昌傳諭四方畧曰十三人鼓舞登城百萬師號呼請
命周密齊東野語云政和中地不爰寶所在奏貢芝
草者動二三萬本斬黃間有一鋪二十五里遍野而
出密州山至彌滿四野有一本數十葉衆色咸備者
太守李仲文採及三十萬本作一綱進除本道運使
汝海諸郡縣山石變爲瑪瑙動以千百伊陽太和山
崩出水水晶幾萬斤皆以匣進京師長沙益陽山溪
崩出金數百斤大者至重四十斤君臣稱頌殆無
虛也然越數歲遂罹狄難父子播遷所謂瑞應又如
此也岳珂程史云政和間濮人王老志以方術幸號
洞先生一日與中宮俱有難臣召入禁中老志出幅
紙曰陛下他日與中宮俱有難臣召入禁中老志出
可厭穰然當修德始回天意請如法鑄鑑各以五色
一流蘇垂之寘寢殿臣死後當時坐鑑下憶臣語曰
一日思所以消變於未形者上悚然詔當方庇工鑑
成進御老志歸濮卒靖康陟方之禍二宮每寶持之
歎其先識焉又云宣和末京師士庶競以鵝黃爲腹
不圍謂之邀上皇掖後至通國皆行明年徽宗稱上皇

而有青城之邀金敵亂華卒於不能制也斯亦服妖
之比歟袁文寶牘間評云蔡條國史後補載惠恭王
皇太后初懷孕夢宣德正門大啟兩紅旗各書吉字入
生欽宗兩吉字乃詰字也人言欽宗爲詰和尚後身
無疑及立爲太子梁師成奏言術者謂東宮命不久
蓋意在鄆王也然卽位一年北狩術者言亦可信也
按詰和尚徽宗朝人既死朱元章爲書行業碑真有
道德者又云嶺南無雪大觀庚寅歲忽有之寒氣大
甚雖嶺南地煖莫能勝也此乃北方兵起之兆後遂
有靖康之變陸游老學菴筆記云政和間妖言至多
織文及縑帛有遍地桃冠有並桃香有佩香曲有賽
兒而道流爲公卿受錄議者謂桃香有佩香者背
鄉也寶者塞也錄者戮也蔡京書宮觀扁玉字旁一
點筆勢險急有道士曰此點乃金筆而鋒鋌侵上豈
吾教之福哉又林靈素詆釋教爲金狄亂華當時金
狄之語雖詔令章奏碑版多用之或謂靈素預知金
狄之禍故欲廢釋氏以厭之亦妖言耳又云靖康初
京師織帛及婦人首飾衣服皆備四時如節物則春
幡燈毬競渡艾虎雲月之類花則桃杏荷菊梅皆併
爲一景謂之一年景而靖康紀年果祇一年蓋服妖

也周輝清波雜誌云端耶聞相國寺陳彥明數學令
人持生年月密問之彥乃屏人告以大橫之兆事應
在兩月後至是果驗積官至節鉞政和全盛時或云
彥嘗嘆運數中微密告徽宗爲作石記埋宣和殿下
又郭天信亦嘗以炎正中否告郭象睽車志云宣和
間沂密有優人持二子號胡孩兒年各六七歲童首
而長鬢所至觀者如堵自云其婦孿生後不知所在
等而胡醜亂華蓋人妖也又李公駭愕其絨曰書上元
元城尉村民持獻關大王書公駭愕其絨曰書上元
城縣尉李尚書漢前將軍關某押并日夜夢金甲神
曰汝來日詣縣逢著鐵冠道士索取關大王書下與
李縣尉既覺如言果得之公發書皆預言靖康禍變
火其書作詩紀之曰金甲將軍傳好夢鐵冠道士寄
新書我與雲長隔異代翻疑此事大荒虛後皆驗復
記其事刻之石袁氏楓廬小牘云靖康以前汴中家
戶門神多番樣戴虎頭盛而王公之門至以渾金飾
之識者謂虎頭男子是虜字金飾更是金虜在門也
不三數年家戶被掠而王公被禍尤酷趙德麟侯鯖
錄云數年雍邱茶園人浚井得石刻銘曰漢代功臣
銘隱在秦城井到得靖康春方顯千年景金狄亂天

下諸賊皆來併獲下有甘泉能療千年病江萬里宣
政雜錄云宣和初收燕遼民居汴者夜有臻蓬蓬歌
詞曰臻蓬蓬外頭花裏頭空但看明年正二月滿
城不見主人翁此本遼諺爲宋北轅之譏又有伎者
投竿念詩曰百尺竿頭望九州前人田土後人收後
人收得休歡喜更有收人在後頭亦遼人作竟成宋
識劉子翬汴京紀事云倉皇禁陷夜飛戈南去人稀
北去多自古黃沙埋皓齒不堪重唱蓬蓬歌見李純
甫屏山集元全愚蔣正子山房隨筆云直北某州有
道君題壁詩云徹夜西風撼破屏蕭條孤館一燈微
家山回首三千里
目斷山南無雁飛

立史紀事本末卷六